

## **Wolayta - Woossite Mazamure - WP Psalms**

**Mazamure 68:1 Xoossai denddo; a morkketi laalettona. A ixxiyaageeti a sinttaappe baqatona.**

**Mazamure 5:9,10 Eta doonaappe kiyiyaabi ammantenna. Eta wozanankka genee kumiis; eta doonai dooyettida duufo mala; eti bantta inxxarssan cimmoosona. 10 Abeet Xoossau, eta neeni pirdda; eta kobai eta ekki bo. Eta nagarai daro gidido gishshau, neeni eta yedetta; aissi giikko, eti ne bolli makkalidosona.**

**Mazamure 11:6 GODAI iitatu bollan eexxiya tamaa bonqquwaanne eexxiya diniyaa bukissana. Xuuggiya gote carkkuwan eta qaxxayana.**

**Mazamure 18:14 Ba wonddafiyaa zubbiyaa yeddidi, ba morkketa laaliis; wolqqanttaa poo7uwaa kiittidi, eta yedettiis.**

**Mazamure 18:17 I tana ta wolqqaama morkkiyaappenne tana ixxiyaageetuppe ashshiis. Aissi giikko, eti taayyo keehi daro wolqqaama.**

**Mazamure 18:39 Olau tana wolqqaa gixissadasa; tanaara gaaddetiyaageeta taayyo gulbatissadasa.**

**Mazamure 18:45 Eti wozanaa kahaa bayoosona. Bantta naagettiyo miixaappe kokkoriiddi yoosona.**

**Mazamure 27:11 Abeet GODAU, ne ogiyya tana tamaarissa; ta morkketu gishshau, tana suure ogiyya kaalletta.**

**Mazamure 35:1-8 Abeet GODAU, tanaara eqettiyaageetuura neeni eqetta; tanaara olettiyaageetuura neeni oletta. 2 Gonddalliyaanne hara ola miishshaa oiqqada, tana maaddanau dendda. 3 Tana yedettiyaageetu bollan ne tooraanne mashshaa dentta. Tana, "Aikkobaa; taani nena ashshiyaagaa" yaaga. 4 Ta shemppiyo woranau koyiyaageeti yeellatonanne kauyyona; ta bolli iitabaa maqettiyaageeti kauyyidi guyye simmona. 5 GODAA kiitanchchai eta yedettiyo wode, eti carkkuwaa sinttan de7iya suullaadan hanona. 6 GODAA kiitanchchai eta dechchana haniyo wode, eta ogee xumanne hallitta gido. 7 Coo tana oiqqanau bantta piriyaa wottidosona; qassikka coo tana**

**oogganau ollaa bookkidosona. 8 Erennan de7ishin, eta bollan bashshai putt u go. Eti wottido piree eta oiqqo; eti bashshan kunddona.**

**Mazamure 52:5 SHin Xoossai nena merinau xaissana. I nena diippananne ne keettaappe dafidi kessana; i nena paxa de7iyaageetu giddoppe xoqollana.**

**Mazamure 60:12 Xoossa walqqan nu morkketa nuuni xoonana; nu morkketa yedhdhanai a.**

**Mazamure 66:3 Xoossaayyo hagaadan yaagite; "Ne oosoti aiba garamissiyaabee! Ne walqqai darido gishshau, ne morkketi yashshau ne sinttan gulbbatoosona.**

**Mazamure 68:35 Xoossai ba Beeta Maqidasiyan, "Hoola!" giissiyaagaa. Israaeela Xoossai ba asau minotaanne walqqa immees. Xoossai galatetto.**

**Mazamure 70:1 Abeet Xoossau, tana ashshanau eeno ga; abeet GODAU, tana maaddanau eesota.**

**Mazamure 71:13 Tana mootiyaageeti yeellatidi xayona. Tana qohanau koyiyaageeti yeellaanne kaushshaa maayona.**

**Mazamure 76:12 I halaqatu otoruwaa giishshees; walqqaama kawotakka i yashissee.**

**Mazamure 118:10 Kawotettati ubbai tana dooddi oiqqidosona; shin GODAA sunttan taani eta xoonaas.**

**Mazamure 118:12 Eti mattai gau7idoogaadan, ta yuushuwan gau7idosona. SHin aguntai taman eexxiyoogaadan eexxi xayidosona. GODAA sunttan taani eta xoonaas.**

**Mazamure 149:8,9 Eta kawota sanssalatan, eta ola gadaawatakka biratan qachchanaassanne, 9 eta bolli xaafettida pirddaa polanaassa. Hegee Xoossa asatu ubbaayyo xoono. GODAA galatite!**